

Vlada Kantona Sarajevo
Kantona Sarajevo
Reisa Džemaludina Čauševića 1
Sarajevo

Sindikata radnika u zdravstvu u
Kantonu Sarajevo
Obala Kulina bana 1
Sarajevo

Komisija za tumačenje
Kolektivnog ugovora o pravima i obavezama poslodavaca i radnika
u oblasti zdravstva za područje Kantona Sarajevo

Broj: 21/26
Sarajevo, 19.01.2026. godine

Na osnovu člana 72. stav (3) alineja 1. Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo ("Službene novine Kantona Sarajevo" broj: 25/25), Komisija za tumačenje Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo, povodom zahtjeva UNSA Stomatološki fakultet i UNSA Stomatološki klinički centar broj: 01-3-1-127/25 od 01.12.2025. godine kojim se traži tumačenje člana 1. Kolektivnog ugovora o pravima i obavezama poslodavaca i radnika u oblasti zdravstva za područje Kantona Sarajevo (u daljem tekstu: Kolektivni ugovor), na drugom nastavku 1. sjednice održanom 19.01.2026. godine donosi

ODLUKU

Član 1.

Utvrđuje se tumačenje odredbe člana 1. Kolektivnog ugovora, kako slijedi:

Shodno članu 1. Kolektivnog ugovora, istim su uređena prava i obaveze iz rada i po osnovu rada radnika zaposlenih u javnim zdravstvenim ustanovama čiji su osnivači kanton, jedan ili više kantona i Federacija Bosne i Hercegovine zajedno ili se finansiraju potpuno ili djelimično iz sredstava nadležnih organa Kantona Sarajevo, odnosno imaju status ugovorne zdravstvene ustanove sa Zavodom zdravstvenog osiguranja Kantona Sarajevo, a u smislu člana 53. Zakona o zdravstvenoj zaštiti („Službene novine Federacije BiH“ broj: 46/10 i 75/13). Svaki kolektivni ugovor propisuje oblast u kojoj se primjenjuje i jedan kolektivni ugovor se ne može primjenjivati u oblasti za koju nije zaključen, bez obzira na propisana radna mjesta kod poslodavca iz te oblasti. S tim u vezi, Kolektivni ugovor se primjenjuje na zaposlenike UNSA Stomatološki klinički centar kao zdravstvene ustanove koja ima status ugovorne zdravstvene ustanove. Kolektivni ugovor se ne primjenjuje na zaposlenike UNSA Stomatološkog fakulteta s obzirom da isti ne predstavlja zdravstvenu ustanovu u smislu člana 1. Kolektivnog ugovora, već obrazovnu ustanovu. U slučaju kada radnici obavljaju poslove na dvije članice UNSA-e, odnosno i na Stomatološkom fakultetu i na Stomatološkom kliničkom centru, primjena Kolektivnog ugovora vrši se srazmjerno vremenu provedenom na radu u zdravstvenoj ustanovi, odnosno kod UNSA Stomatološki klinički centar.

Komisija za tumačenje Kolektivnog ugovora nije nadležna za tumačenje odredaba Zakona o radu.

Član 2.

Ova odluka će se dostaviti podnositelju zahtjeva, svim pravnim osobama na koje se odnosi Kolektivni ugovor, ugovornim stranama Kolektivnog ugovora i, putem Zavoda zdravstvenog osiguranja Kantona Sarajevo, privatnim zdravstvenim ustanovama koje imaju status ugovorne ustanove sa Zavodom zdravstvenog osiguranja Kantona Sarajevo.

Član 3.

U skladu sa članom 73. stav 3. Kolektivnog ugovora, ova odluka ima pravnu snagu i učinke Kolektivnog ugovora od dana stupanja na snagu Kolektivnog ugovora, te će se, u skladu sa članom 73. stav (4) objaviti u Službenim novinama Kantona Sarajevo.

Odluka stupa na snagu narednog dana od dana objavljivanja u Službenim novinama Kantona Sarajevo.

Komisija za tumačenje Kolektivnog ugovora o pravima i obavezama poslodavaca i radnika
oblasti zaraštva za područje Kantona Sarajevo

Ivona Islamagić
Nina Delalić
Nedžad Meheljić
Sanela Malićević
Jasmin Avdović
Senad Sadiković

